



UNIVERSITÄTS-  
BIBLIOTHEK  
PADERBORN

## **Analysis Methodica Ivris Pontificii**

**Venator, Daniel**

**[S.l.], 1579**

**VD16 V 541**

De Conversione Coniugatorum. Titulus XXXII.

---

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

*Episcopus contra generale Concilium dispensare nō potest, c. cum dilecti, extr. de elect.*

*Professio facta ante 14. annū nō obligat: post 14. verò, si fiat per susceptionem habitus, professorem etiam nō obligat, nisi detur perseverantia tridui, c. ad nostram, extr. eod.*

## DE CONVERSIONE CONIUGATORUM.

### Titulus XXXII.

#### Continuatio.

**E**Tiam coniugati conuersi, si ante confirmationē matrimonij, vel perfecto matrimonio vtrique coniugum volente monasticam vitam eligant, & professionem faciant, regulari obedientiæ obstringuntur.

#### *Quis dicitur Coniugatus?*

Coniugatus dicitur, qui sponsalia de presenti cum aliqua contraxit: siue matrimonium coniunctione perficiatur, siue non. Quamuis nuptias non concubitus, sed consensus faciat. *de sponsal.*

#### *Quid est conuersio Coniugatorum?*

Conuersio coniugatorum hic dicitur, cum coniugum, post contractum, vel consummatum matrimonium, se ab alterius conuersatione seiungit, & professione facta, ad monasticam vitam conuertit.

#### *Quotuplex coniugatorum Conuersio?*

Duplex. Vna, quæ ante perfectionē matrimo-



nij contingit, sponsalibus tamen de præfenti cōtractis, post consensum enim legitimum de præfenti, licitum est alteri coniugū, altero etiā repugnāte monasterium eligere, dummodò carnis cōmixtio non interuenerit: quo casu remanens, non prohibetur ad secūda transire vota, c. verūm, ex. eod. Altera, quæ fit post confirmatum & cōsummatum matrimonium: quæ non conceditur, nisi vterq; coniugum concordēs monasterio se dicarint: vel alter coniugum nulla conuersationis male suspiciōe, vel infamia notatus, continentiam vltro promiserit, c. coniugatus, & c. ex parte, ext. eod.

*Quæ causa Efficiens?*

Volūtas vnus cōiugis cōuerfi, nuptijs nondū cōsummatīs: vel volūtas vtriusq; si cōsummatū sit matrimoniū, c. verūm, & c. cōiugatus, ext. eo.

*Quod Obiectum?*

Vita regularis, cui se conuersus addicere præsumpsit, c. sanè, extr. eod.

*Quæ Forma?*

Quòd ante perfectionē & confirmationē matrimonij volens conuerti, statim religionē ingrediatur, & professionē faciat, vel si differat, & nihilominus cōsolationem coniugalem fugit, iudex certum terminum, intra quē, vel religionem ingrediatur, vel in coniugio constās sit, subreceptione idoneæ cautionis, præfigat, c. ex publico, & c. ex parte, ext. eod. Verūm, post consummatum matrimonium, vel vterq; coniugū trāseat, vel alter coniugum trāfitionem volens per-



710 ANALYS. IVRIS PONTIFICII  
mittat: qui tamen de conuersatione mala non sit  
spectus continentiam se seruaturum promittere de-  
bet, alioquin conuersio illa non approbatur: cum  
matrimonia legitimè contracta, & confirmata,  
hac religionis causa dirimi non debeant.

*Quis Finis & Effectus?*

Primus est. Quòd si conuersio ante perfectio-  
nem matrimonij fiat, obligatio ex còtracto legi-  
timo matrimonio tollatur: ita ut sponsa, quæ  
constitutæ obligationis, antè non potuerit re-  
lire, & cum alio contrahere, nunc possit, c. veru,  
extr. eod.

Secundò. Quòd còiugatus subijciatur regulæ  
obseruatiæ, professione facta, nec mortua vxore  
inde recedere possit, d. c. consuluit. Si tamen no-  
nasterium nõdum intrauerit, professionè tantum  
vxore consentiente fecerit: Si mortua vxore  
alia contrahat, non valebit matrimoniũ, sed  
religionem intrare compellitur, c. ex parte, extra.

Tertiò. Si conuersio, vel professio legitimè  
fiat: ut si vir cum còsensu vxoris professus sit,  
vxore verò suspecta, nec continentiam vouerit,  
vel, si, altero coniugum ignorãte, professio sit,  
conceditur professi repetitio, & restitutio, c. si  
cũ sis, ext. eo. Aliàs vxori maritum repetere non  
permittitur: et si post ingressum continere non  
possit, c. veniens, extr. eod. & c. dudum, eo. Repet-  
itus autem vxore mortua ad monasterium re-  
trahendi denuò matrimonij facultas interdicitur,  
c. quidam intrauit, extr. eod.

Quartò. Quòd, etiamsi còiugatus ad ingressum  
monasteriũ dolo, vel ex causa falsa inducatur,



fit: tamen libera egrediendi facultas non detur,  
c. veniens, & c. dudum, ext. eod. & c. ex parte, eo.  
Quia dolus in spiritualibus nō ita, sicuti in con-  
tractib⁹, rescindit actum, c. pen. ext. quod metus  
causa, & c. cum dilecti, extr. de contrah. emp. &  
vend.

### AXIOMATA ET SENTENTIAE.

*Si coniuges continentiam promittēdo, se invicem ab-  
soluerunt, & uterq; vel alter eorum, religionem profi-  
teatur, alter alterum repetere non potest, c. dudū, ex. eo.*

*Per religionis professionem, non per propositum ca-  
stitatis servanda, dissolvuntur sponsalia de presenti, c. ex  
parte, extr. eod.*

*Maritus religionem intrare non potest, nisi etiam  
vxoꝝ ingrediatur: vel nisi suspecta non sit, & continen-  
tiam promittat, c. cum sis, & c. coniugatus, ext. eod.*

*Qui, invita vxore, professione facta, postea ad peti-  
tionem eidem restituitur, non tenetur defuncta vxore,  
denuo monasterium intrare, c. quidam, eod.*

*Ante perfectionem matrimonij potest alter coniu-  
gum, altero invito, & etiam repugnante, religionem in-  
gredi: quo tamen casu remanens, ad secunda vota con-  
uolare poterit, c. verū, eod.*

*Maritus ingrediens religionem, etiam cum consen-  
su vxoris, si vxor libidinosa omnibus de se malam su-  
spicionem faciat, nec continentiam promittat, Episco-  
pali auctoritate, maritus ad consortium coniugale com-  
pellitur, c. 1. eod.*

*Vxoꝝ habēs in Episcopum promoueri nō potest, nisi*

xy 4

vxoꝝ



*vxor religionem profiteatur, c. sanè, extr. eod.*

*Parium, si eadem subsit ratio, eadem est iuris dispositio, sumpto argumento à rationis paritate & similitudine, c. constitutionem, de regula. & transeun. adrelig. in 6.*

## DE CONVERSIONE Infidelium.

### *Titulus XXXIII.*

#### Continuatio.

**C**ontingit quandoq; vt sicuti fideles ad religionem, ita infideles ad fidem conuertantur.

#### *Quis dicitur Infidelis?*

Infidelis dicitur, qui à fide Catholica dissentit. Quicquid enim à fide Christiana discrepat, infidelitatis appellatiõe cõtinetur, & fidei Christianæ contrarium est, arg. 9. 11. 19. & 30. dist. perus.

#### *Quæ causa Efficiens?*

Deus ipse, qui hominem infidelem, ad conuertendum diuinitus impellit, & propria conuertentis voluntas.

#### *Quod Obiectum?*

Fides Christiana, per meritum Christi, hominem conuertentem saluans.

#### *Quæ Forma?*

Vt per regenerationē sacri Baptismi, & fidei Christi, nõ coacta, sed libera volūate conuertentis, &